

A- Čoahkkinbeavdegirji

RiddoDuottarMuseat

Čoahkkin Sámiid Vuorká-Dávvirat, Kárášjohka 21.06.22 diibmu 15:00-19:30

Oasseváldit:

Marit Meløy	Stivrajođiheadji
Hilde Skanke	Stivralahttu
Liv Elin Wilhelmsen	Várrelahttu
Ingar Eira	Várrelahttu
Olaug Larsson	Stivralahttu
Svein Atle Somby	Stivralahttu
Ellen J Sara Eira	Stivralahttu
Ellen Bals	Bargiidovddasteaddji/stivralahttu.
Anne May Olli	Čáli.

Viiban: Nils Johan Heatta, Sten Magnar Nikodemussen

Ášši:

28-2022 Čoahkkingohččuma ja áššelisttu dohkkeheapmi

Mearráduš: Ášši, stivramáksu ja stivrra bargui eará eavttut, lasihuvvo eará áššiid vuollai. Čoahkkingohččun ja áššelistu. Dohkkehuvvon.

22-2022 Protokolla vuolláičáliid välljen.

Hilde Skanke ja Olaug Larsson välljejuvuiga vuolláičállit otná protokolla. Ovttajienalaččat.

1. DIEHTOJUOHKINÁŠŠIT

23-2022 Diehtujuohkimat

- Rehketdoallu otnáži
- Norgga Kulturráđi Sámi museaid 2021 árvvoštallan
- Ovdal 1.2.23 fertet deavdit beasatlašvuodajulggaštusa – Universála hápmi ITK (www.rdm.no)
- 2022 ávvujagi birra dieđut
- Dieđut investerendárbuid birra
- Sámediggeráđi dieđáhus sámi visuála dáidaga birra
- Ođđa bálkávogádat
- 23 guovvamánu: Sisaoastinlávdegotti čájáhus gos 2020-2022 oastin dáidagat čájehuvvojit (KUD-ruđat)

Mearráduš: Vuhtiiváldon.

2. Čuovvolanáššit

Eai leat áššit

3. Mearrádusáššit

Ášši 31-2022

2023 Vuoruheamit

- 1) Dokumeanttat:
 - 2023 bušeahttaevttohus
- 2) Áššečielggadeapmi:

Strategiijaplána 2017-2022 man RDM stivra lea mearridan, lea dál árvvoštallojuvvome. Dát mearkkaša ahte RDM doaimmat fertejit čuovvut strategiijadokumeantta ja vuoruhuvvot dan mielde. Dat vuoruheamit mat ovdal leat dahkkon sisttisdollet guhkit áiggi barggu, ja RDM joatká muhtin váldočuoggáiguin.

RDM 2022 vuoruheamit leat:

- Mii joatkit SVD/Dáiddamusea huksenáššiin, seammás go geahčadit buot vistedárbbuid mat RDM leat
- SVD ávvuda 50 jagi 2022:s, ávvodoalut leat Kárášjogas. Meavrresgárrri lea dehálaš oassi dain doaluin.
- KSM/JMM ávvuda 30 jagi 2022:s. Ávvodoalut Jáhkovuonas.
- Vistesuodjaleapmi lea suorgi man RDM dárbbasa nannet. Dies mis lea potentiála maid eat leat vel nagodan ollašuhttit.
- SVD ovdakantuvrra, mii lea olles RDM váldohálddahus, lea dárbu nannet. Buot poasta, e-poasttat ja telefovnna RDM:i bohtet dán ovdakantuvrii. Lea dáhttu heivehit virggi maid SoMe ja RDM neahttasiiddu doaimmaheapmái. Dát lea dehálaš bargu, gč. márkanstrategiija plánenbarggu mii gárvejuvvo boahtte jagi.
- 2022:s lea vuohččan sámi paviljonga máilmmi stuorámus dáiddačájáhusas Venezias, Itálias. Lea dehálaš ahte RDM lea oidnosis dain doaluin mat doppe leat, earret eará plánejuvvo dollot «Global Indigenous Curatorial and Artist Gathering». Seamma jagi lea 5 jagi áigi go mii doalaimet «There is No Sámi Dáiddamusea^x» Romssas, ja lea dehálaš ahte mii čalmustahttit mii lea, ja mii ii leat, dáhpáhuvan dan rájes.
- Mii galgat 2022:s árvvoštallat 2017 strategiijaplána, ja ráhkadit ođđa strategiija boahtte viđa jahkái.
- RDM:i lea dehálaš ahte mii loaktit bargguineamet. Fysalaš ja psyhkalaš bargobirrasa buorideami bargu lea ain dehálaš, ja dát áššit fertejit leat buorit jus háliidit olahit daid namuhuvvon vuoruhemiid. Lea dehálaš ahte RDM joatká personáladeaivvadeamiiguin, team-hukseamiin ja oktasaš prošeavttaiguin. Fárrolaga leat mii gievrrabu!

2022 vuoruhemiin leat čuovvovaš áššit čađahuvvon:

- Mii leat 2022:s vuordán Kárášjoga huksenášši mearrádusa. Sámediggi lea gieđahallan ášši geassemánu plenumčoahkkimis, ja doppe sii mearridedje ahte áigot ođđa vistti. Ráđđehus lea čuovvulan dán, ja lea boahte jagi stáhtabušehta evttohusas juolludan 5 miljovna boahte jahkái. Dát mearkaša ahte beassat joatkit ođđa vistti plánemiin boahte jagi. Mii leat maid geahčadišgohtán buot báikkiid visttedárbuid, ja leat álggahan ságastallamiid gielddaiguin gos dát leat (Hámmerfeasta, Porsángu ja Guovdageaidnu).
- Miehtá 2022 leat mii ávvudan 50 jagi iešguđet doaluiguin. Leat ožžon ollu fuomášumi dán oktavuodas.
- Mii leat čađahan 30 jagi ávvudoaluid Jáhkovuonas mannan geasi.
- Mii leat bargan vistesuodjalemiin, ja dan ferte vel ain eambo nannet. Dát bohtá sierra áššiin stivrii, oktan ovdakantuvrra nannen áššiin.
- RDM lea čalmmustahattojuvvon mángggain doaluin Venezias.
- Mii leat álggahan strategiijaplána árvoštallanbarggu ja bargu joatká boahte jagi.
- Eaktun buori bargobirrasii lea ahte jođiheamis lea čađat dát muittus ja guovddázis, ja ahte čađahuvvojit doaimmat dárbbu mielde. 2022:s mii leat mátkkoštan ollu ja leat ollu doaimmat leamašan, dan dihte leat mis unnán personáladeaivvadeamit leamašan dán jagi, eaige nu ollu go maid mii sávašeimmet.

RDM 2023 vuoruheamit leat:

- Mii joatkit SVD/Dáiddamusea huksenáššiin, ja mii geahčadit buot visttedárbuid mat RDM:s leat.
- Vistesuodjaleapmi ferte nannejuvvot. Lea dárbblaš ođastit ja divodit Jáhkovuona visttiid, Sámiid-Vuorká-Dávvirat Duottarstobu ja Guovdageainnu visttiid ferte áimmahuššat. Mii dárbbášit maid buoret vurrkodanvejolašvuodaid iežamet fatnasiidda ja dáid ferte maid divodit.
- Lea dehálaš ahte museat eambo vuoruhit dutkama. RDM:s lea dál dušše okta bargi geas lea dutkangelbbolašvuhta. Vai oččošeimmet eambo dutkama museain, de lea dárbblaš ahte RDM láchá dili nu ahte dán sáhttá bargat. 2023:s leat plánen guokte guhkebuš mátki dutkama ja ovdánahttima olis – dalle lea vuolga USA:i ja Englándii (joatka proševttain mat leat álggahuvvon 2022:s).
- Lea dárbblaš vuoruhit čájáhusbarggu báikkálaš museain, ja ferte leat aktiivvalaš servvodatdigaštallamis museabarggu bokte.
- RDM áigu 2023:s árvoštallat strategiijaplána ja hábmet strategiija boahte viđa jahkái.
- Buorre bargobiras lea RDM doaimma vuodđogeađgi. Lea dehálaš joatkit bargguin gos bargat bargobirrasa nannemiin ja joavkodovddu nannemiin.

3) Mearrádusárvalus:

2023 vuoruheamit dohkkehuvvojit

4) Mearrádus:

Lasáhus direktuvrra mearrádusárvalussii: Lasihit sámegielgelbbolašvuoda ja nannet sámegiela geavaheami. Ovttajenalaččat.

1) Áššebáhpirat:

- 2023 bušeahttarámma
- 2023 vuoruheamit

2) Áššečielggadeapmi:

Sámediggeráđi 2023 bušeahttaárvalusas evttohuvvo RDM:i 14 057 000 ruvdnosaš juolludeapmi. Mii leat fylkii ja gielddaide sádden bušeahttaealkámušaid muhto eat leat dássáži gullan maidege sis. Bušeahtas leat dan dihte seamma logut go maid 2022:s oaččuimet, mii lei oktiibuot 1 496 881 ruvnno fylkkas ja gielddain. Min iežamet dietnasa doaivut leat 833 000 ruvnno. Dalle lea jahkebušeahtta oktiibuot 16 386 881 ruvnno, dás lea 1 060 000 ruvdno merkejuvvon ruđat, maid eat bija doaibmabušehtti. Jahkebušeahtta lea dasto 15 326 881 ruvnno.

Boahtte jagi váldovuoruheamit galget speadjalastit bušeahttaealkámuša man mannan giđa sáddiimet Sámediggái, fylkii ja gielddaide. Dien bušeahtas mii čáliimet ahte min dárbu lea 17 514 991 ruvnno. Dan dihte lea 2 188 110 ruvnno erohus gaskkal dárbbu man RDM ovdanbuvttii ja bušeahta man dál leat plánen. Dákkár erohus mearkkaša ahte RDM ferte eambo vuoruhit masa mii geavahit ruđa.

Áššis 30/22 leat mii čállán boahtte jagi vuoruhemiid birra. Mii fertet vuoruhit ruđaid dáiddamusea/SVD huksenášši bargui, ruđaid oahppomátkkiide ja politihkkariid váikkuheapmái (lobbying). Bušeahtas leat maid vuhtiiváldán lassánan viessoláiggu dáiddamagasiinnas ja Porsáŋgu museas, nugo dan bušeahtadárbbus man ovddideimmet Sámediggái go sii meannudedje 2022 reviderejuvvon bušeahta. RDM lea ásahan virggi dáidagii dán jagi rájes, ja dát lea váldon vuhtii Sámediggeráđi bušeahttaevttohusas min cealkámuša mielde. Mis lea dárbu nannet vistesuodjaleami, erenoamážit go ii leat vuoruhuvvon ovdal, ja go dát dárbu lea oassi musea visttiid ja fievruid ovddasvástádussuorggis. Bušeahttaevttohusas lea maid sadji ásaht vistesuodjalanvirggi (ášši 32/22) 2023 rájes.

Bušeahtas leat vuhtiiváldán bálk- ja haddegoargjuma. Boahtte jagi rámmat leat ná:

PERSONÁLAGOLUT		
RDM Hálddahus		3 540 041
SVD		2 243 655
GG		1 217 310
PM		1 246 785
JMM		621 402
Dáidda		1 278 507
PERSONÁLAGOLUID SUBMI		10 147 699
EARÁ DOAIBMAGOLUT		

RDM Hálddahus		1 543 952
SVD		839 500
GG		421 900
PM		804 600
JMM		443 900
Dáidda		1 125 330
EARÁ DOAIBMAGOLUID SUBMI		5 179 182
DOAIBMAGOLUID SUBMI		15 326 881

3) Mearrádusárvalus:
2023 bušeahttaevttohus dohkkehuvvo

4) Mearrádus: 2023 bušeahttaevttohus dohkkehuvvo.

Ášši 33-2022 RDM VUOĐDOBARGOVEAHKA

1) Áššebáhpirat:

2) Áššečielggadeapmi:

2018:s lei RDM vuodđobargoveahka 12,2. Dat lea lasihuvvon 2021:s ja lea dál 14. Diet lassáneapmi čuovvu strategiiaplána ja lasi doaimmaid mat das leat mearriduvvon. Min mielas lea dál dárbu vel ain eambo lasihit vuodđobargoveaga, ovttain virggiin mainna nannet vistebarggu ja fievrosovdjalarbarggu.

Dálá dilli RDM ossodagain lea ná:

Guovdageainnu Gilišilju/ Kautokeino Bygdetun (GG)

Dát lea min nubbin stuorámu musea, mas lea RDM museain dat nubbin stuorámu čoakkáldat. Min museain lea GG mii oažžu eanemus Bååstede-prošeahtta dávviriid máhcahuvvot. Guovdageainnu Gilišiljus (GG) leat dál guokte fásta virggi/2 jahkedoaimma. Guhkit áiggi perspektiivvas lea dárbu lasihit dán 3 jahkedoimmi.

Sámi Dáiddamusea/ Samisk kunstmagasin (SD)

Dál leat guokte fásta virggi, báikkálaš museajodiheadji ja 20 % virgi bassin. Sámi dáidagiid háliidit oallugat luoikkas, ja sisaoastimat leat lassánan hui ollu guokte manemus jagi. Seammás lea eambo dárbu gaskustit ja doallat čájáhusaid ieža. Lea dárbu lasihit 1-2 jahkedoaimma Dáiddamagasiidnii dađi mielde go sisaoastin ja čájáhusjearru lassána. Dál leat ossodagas 2,2 jahkedoaimma.

Sámiid Vuorká-Dávvirat/ De samiske samlinger (SVD)

Dá lea boarráseamos ja stuorámu musea, gos lea dat stuorámu čoakkáldat. Čoakkáldat speadjalastá musea historjjá. SVD:s leat dál 3,8 jahkedoaimma vuodđobargoveagas: 100 % virgi báikkálaš

museajođiheadđjin mas lea fága- ja hálddahuslaš ovddasvástádus, 100 % virgi čoakkáldathálddašeaddjin, 80 % virgi bassin/eará barggut ja 100 % virgi ovdakantuvrras museas. Earát geat barget leat virgáduvvon prošeaktaruđaiguin ja NAV bokte. Lea áiggi mielde dárbu lasihit 1 jahkedoaimma SVD:i, nu ahte vuodđobargoveahka šaddá 4,8. Dát lea nannen dihte dutkanbarggu museain, dan dihte go dalle beassá dálá museajođiheadđji geas dutkangelbbolašvuohta vuoruhit dutkama eambo.

Porsáŋgu musea/Porsanger museum/Porsangin museumi (PM)

Porsáŋgu musea leat dál guovtti báikkis Leavnnja guovllus. PM:s lea okta fásta bargi 100 % virggis gii lea báikkálaš museajođiheadđji geas fága- ja hálddahuslaš ovddasvástádusbarggut. Dasa lassin lea 100 % virgi čoakkáldathálddašeaddjin ja gaskkusteaddjin. Porsáŋgu museas leat 2 jahkedoaimma.

Jáhkovuona mearrasámi musea – Kokelv sjøsamiske museum (KSM)

Dál lea musea rabas dušše bievlaáigodagas. Dat lea dan dihte go ieš dat čájáhus lea musea (Nillá dálle). Jáhkovuonas ii leat sierra museavisti čájáhussii ja kantuvrraide, dan dihte mii láigohit kantuvrra báikkálaš biebmogávppis. KSM:s lea 100 % virgi báikkálaš museajođiheadđjin, geas leat fága- ja hálddahuslaš ovddasvástádusbarggut lassin čoakkáldathálddašeapmái ja gaskkusteapmái. KSM bargá ovttas eaiggátvuodđudusain ja Hámmerfeastta gielddain ođđa museavistti plánaiguin. Jáhkovuona mearrasámi museas lea 1 jahkedoaimma.

Hálddahus (RDM)

Hálddahus leat 3 virggi/3 jahkedoaimma. Virggit leat direktvevra (100%), kantuvrahoavda/árvivara (100%) ja viessohoaiddár/vistesuodjaleapmi (100%). Dát virggit doaimmahit bargguid buot RDM báikkálašmuseain, ja lea SVD:s Kárašjogas. RDM oastá rehketdoalo-/ekonomiija ja IT bálvalusaid. Lea dárbu nannet vistesuodjalanbarggu ovttain 100 % virggiin, dan dihte go ráfáiduhit ja gáhttejuvvon visttiid divodanbargu lea bázahallan – dasa lassin lea fievruid suodjaleapmi (fanas/duorran fanas) maid bázahallan. Lea dárbu lasihit dan nu ahte oktasaš resursa lea 4 jahkedoaimma.

3) Mearrádusárvalus:

RDM vuodđobargoveahka lasihuvvo 14 fástavirggis/jahkedoaimmas 15 fásta virgái/15 jahkedoaimmii 2023:s. Dát lea vai mii nannet vistte- ja fievruid suodjalanbarggu. Guhkit áiggi vuollái lea dárbu nannet vuodđobargoveaga vel golmmain virggiin.

4) Mearrádus:

RDM vuodđobargoveahka lasihuvvo 14 fástavirggis/jahkedoaimmas 15 fástavirgin/15 jahkedoaimmii 2023 rájes nannen dihte huksen- ja fievruid suodjalanbarggu. Lea dárbu lasihit vuodđobargoveaga vel ain eambo. Ovttajenalaččat dohkkehuvvon.

Ášši 34-2022

Dutkanplána

1) Áššebáhpirat:

- 2021 sámi museaid árvvoštallan (Kulturráđi árvvoštallan)
- RiddoDuottarMuseaid dutkanplána

2) Áššečielggadeapmi:

Kulturráđđi lea árvoštallan sámi museaid 2019 rájes, ja 2021 árvoštallan lea goalmát man sii dahket. Dát árvoštallan dahkko daid mihtuid mielde maid Kulturráđđi lea ožžon Sámedikkis. Sii gehččet leat go museat olahan mihtuid maid Sámediggi lea mearridan, ja árvoštallet maid musea seammá kriteriaguin maiguin árvoštallet eará museaid Norggas. Golbma jagi maŋŋálaga leat mii gullan ahte “RDM:s váilu dutkanplána”. Lea vuordámuš buot museaide Norggas ahte museat dutket.

2021 museaárvoštallamis čállo ahte “..RDM bargá bures dutkandoaimmaiguin, ja dat leat oassin musea fágalaš barggus ja áŋgiruššamis. Kulturráđđi ávžžuha goitge RDM hábmet dutkanplána olles doibmii”. Kulturráđđi čállá maid ahte sin mielas lea buorre ahte leat almmuhuvvon fágaartihkkalat ja dutkanartihkkalat main fágaguoibmeárvoštallan.

RDM dutkanplánas lea museaid dutkama birra, ja doppe čuožžu makkár eavttut fertejit sajis vai RDM museat sáhttet bargat dutkanbargguiguin ja almmuhemiiguin boahtteáiggis.

3) Mearrádusárvalus:

RiddoDuottarMuseat 2022-2025 dutkanplána dohkkehuvo.

4) Mearrádus:

Ášši maŋiduvvo. Dohkkehuvvon ovttajienalaččat.

Ášši 35-2022 2023 čeahkinplána

1) Áššebáhpirat

2) Áššečielggadeapmi

3) Mearrádusárvalus.

Mis galget leat 4 stivračeahkkima jagis, ja mii čuovvut musea jahkejuvlla:

15.03.23, Kárášjohka

Deháleamos áššit: 2024 bušeahtacealkámušat, 2023 doaibmaplána (Sámedikki áigemearri lea 01.04.). Jahkedieđáhus ja jahkereketdoallu (revisor áigemearri lea 30.6, rehketoallregistara áigemearri lea 31.7)

21.06.23, Jáhkovuonas/Hámmárfeasttas

Vejolaš áššit

12.09.23, Porsáŋggus

Deháleamos áššit: Rievdaduvvon bušeahtta.

06.12.23, Guovdageainnus

Deháleamos áššit: 2024 vuoruheamit, 2024 bušeahtta

4) Mearrádus: Mearrádusárvalus mearriduvvui

4. Digaštallanáššit

Huksenášši: Konseptaválljen lea dahkkon. Movt galgá SVD historjá fievrredit ođđa vistái? Strategijjat movt báikkálaš olbmuid ja berošteddjiid oččodit fárrui.

Konklusuvdna: Mii bovdet sin geaidda dát guoská ja berošteddjiid čoahkkimii.

5. Čoahkkáigeassu

Buohkat ožžot sátnesaji

Ášši 36-2022

Muđui

Čuovvovaš stivramáksu mearriduvvo gustot 1.1.23 rájes

Stivrajođiheadji 100 000 ruvno jahkái

Stivrajođiheadji ii oaččo vel sierra bálkká juohke čoahkkima ovddas

Fásta máksu stivramiellahtuide: 10 000 ruvno jahkái

Juohke čoahkkima ovddas máksu stivralahtuide: 2000 ruvno

Dát guoská maid bargiidovddasteaddjái.

Várrelahtuid máksu lea 2000 ruvno juohke čoahkkimis ja 1000 ruvno vel ráhkkaneami ovddas juohke čoahkkimii.

Dohkkehuvvon ovttajienalaččat.

Referáhtta duodaštuvvo leat riehta:

_____(sign.)_____

Olaug Larsson

Stivralahttu

_____(sign.)_____

Hilde Skanke

Nubbijođiheadji